



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვერხვისძირა



ვერხვისძირა (*Leccinum aurantiacum*, *Boletus versipellis*), ქუდიანი სოკო ბოლეთუსისებრთა ოჯახისა. მისი ქუდის დიამეტრი 20 სმ აღწევს; ქუდი ნახევარსფეროსებრია, შემდეგ კი ბალიშისებრი ხდება, ნარინჯისფერი ან ნარინჯისფერ-წითელია. ქუდის ქვედა მხარეს განვითარებულია წვრილმილებიანი შრე, რ-იც თავდაპირველად თეთრია, შემდეგ – ნაცრისფერი, ფეხის სიგრძე 20 სმ-მდეა, სისქე – 5

სმ-მდე, ძირისკენ მსხვილდება, მოთეთროა, ზედაპირი დაფარულია თეთრი, ყავისფერი ან შავი ქერცლით. რბილობი თეთრია, ჰაერზე თავდაპირველად ლურჯდება, შემდეგ – შავდება. ძირითადად იზრდება ნიადაგზე ვერხვნარებში, ზაფხულ-შემოდგომამზე გვხვდება სხვა ფოთლოვან და შერეულ ტყეშიც. საქართველოში ყველგანაა გავრცელებული, იყენებენ საკვებად.

ი. ნახუცრიშვილი
